

影印

文淵閣四庫全書

第七二三冊

北京出版集團公司
北京出版社

本冊目次

欽定執中成憲

清 雍正六年敕撰……………一

御覽經史講義(一)

目錄
卷首

清 蔣 溥等奉敕編……………一二五

欽定四庫全書

子部

欽定執中成憲 御製序 目錄
卷二

詳校官中書 臣 潘有為

編修 臣 倉聖脈覆勘

覆校官中書 臣 呂雲棟

校對官中書 臣 汪日章

謄錄監生 臣 唐作梅

欽定四庫全書

御製執中成憲序

惟我

皇考法天行健一日萬幾宵旰不遑猶以其間

簡命儒臣採錄經史子集所載自古帝王元德顯功訏謨

大訓以及名臣奏章先儒語類深切治道者次第進呈

皇考親為刪定命曰執中成憲始於雍正六年仲春成於

十三年中夏未及刊布而我

欽定四庫全書

欽定執中成憲
御製序

皇考遽遐棄臣民小子向雖承

訓示一二節全編則未之見也嗣統後每以幾暇始發而

讀之既卒業然後知

聖心聖學實與堯舜孔子同揆而汲汲於是編則專以啓

迪後人昭垂標準也間嘗殫思大學一書因見仲尼祖

述堯舜之實義焉其所謂明德者即虞書所謂道心也

所謂明明德者懼其為人心所蔽也所謂格物致知者

嚴辨人心道心之界以盡萬事萬物之理即書所謂惟

精也所謂正心誠意者力祛人心之雜以致道心之純即書所謂惟一也所謂脩身齊家治國平天下而止於至善者即書所謂允執厥中也然極乎執中之量則惟堯舜為無歎而中之散見於萬事萬物者則不惟三代聖王即秦漢以後仁厚英哲之君下及中主亦必有一事二事之合焉不獨皋夔益契伊傅周召孔曾思孟即近代羣儒文士亦必有一話一言之合焉故中庸曰舜好問而好察邇言執其兩端用其中於民蓋中之理無事無物而不具亦無人而不知是即明德之根於性而不息者而惟舜能察之惟舜能執之惟舜能用之故善與人同合德於天地我

欽定四庫全書

欽定執中成憲
御製序

二

皇考編定是書自二帝三王之事古聖賢之言下逮羣儒文士之可節取者兼收而不遺用是道也

皇考之治天下無一事不審其則無一物能匿其情即書所謂惟精大學所謂物格而知至無一時之不敬無一念之不誠即書所謂惟一大學所謂心正而意誠故凡

施於政教者或予或奪或寬或嚴或抑揚遲速之稍有不同而無不立乎大中可為民極即書所謂執中大學所謂身脩家齊國治天下平而明德新民皆止於至善也而所以立綱陳紀更化善治其大者皆斷自

聖心而細者亦博採於衆議有其人不能皆入於善而一言之中必不廢焉即中庸所謂好問好察執兩用中也然我

皇考聰明睿智夙具於

欽定四庫全書

欽定執中成憲
御製序

三

聖性而養成於

聖學者已數十年故

皇考之惟精乃不思而得

皇考之惟一乃不勉而中

皇考之執中而化成天下乃從容中道無為而成豈復有資於是書所以

親為刪定者正恐在後之惘惘然無見於執中立極之道爰示之以成憲也豈惟予小子奉以終身惟日兢兢無

敢踰越哉世世子孫苟能服膺勿失而溯其淵源則於堯舜孔子之道一以貫之矣豈惟君人者舍是無以建其有極以消天下之偏陂反側哉凡百有位果能是訓是行則上之可輔理成化以著勲猷而下亦可以謹身而寡過於以謨明弼諧共臻喜起明良之盛無難矣
乾隆丙辰三月望日

欽定四庫全書

欽定執中成憲
御製序

四

欽定四庫全書

子部一

御定執中成憲

儒家類

提要

臣等謹案

御定執中成憲八卷雍正六年春

世宗憲皇帝勅撰雍正十三年夏書成奏

進仰蒙

裁定

欽定四庫全書

御定執中成憲
提要

宣付

武英殿校刊乾隆三年告藏

御製序文頒行前四卷錄帝堯以來至明孝宗嘉

言善政後四卷皆唐虞至明諸臣論說有所

裨于治道者其或與旨未顯疑義未明則折

衷以

論以闡發其理蘊評斷其是非昔孔子刪書斷自

唐虞始著帝王經世之法後來遞相推行互

有發明御製之書惟唐之帝範數陳得失為

最悉官撰之本惟明之君鑒錄舉事迹為最

詳然帝範頗叅雜說詞意或不深醇君鑑旁

摭諸書義例亦為冗雜至於宋之洪範政鑒

以焦贛京房之說附會於武王箕子之文益

離其宗蓋聖人之道統惟聖人能傳之聖人之

治法亦惟聖人能述之非可以強而及也我

世宗憲皇帝聖德神功上超三古闡明帝學

欽定四庫全書

御定執中成憲
提要

論定是編汰駁存精刪繁舉要凡遺文舊籍一經

持擇即作典謨猶虞帝傳心親闡執中之理殷宗典

學自述成憲之監也雖百篇之裁於洙泗何

以加茲

家法貽留以輩萬世之丕基者豈偶然歟乾隆四十

八年三月恭校上

總纂官_臣紀昀_臣陸錫_臣孫士毅

總校官_臣陸費墀

欽定執中成憲目錄

子部一

卷一

儒家類

唐帝堯

虞帝舜

夏王禹

商王湯

商王太甲

商王盤庚

欽定四庫全書

欽定執中成憲
目錄

商王武丁

周文王

周武王

周成王

周康王

周穆王

漢高祖皇帝

漢太宗孝文皇帝

卷二

漢孝景皇帝

漢世宗孝武皇帝

漢中宗孝宣皇帝

漢世祖光武皇帝

漢顯宗孝明皇帝

漢肅宗孝章皇帝

漢孝和皇帝

欽定四庫全書

欽定執中成憲
目錄

二

晉世祖武皇帝

南齊世祖武皇帝

梁高祖武皇帝

魏太宗明元皇帝

魏高祖孝文皇帝

魏世宗宣武皇帝

唐高祖皇帝

唐太宗皇帝

卷三

唐太宗皇帝

唐德宗皇帝

唐憲宗皇帝

唐文宗皇帝

唐宣宗皇帝

後周世宗皇帝

宋太祖皇帝

欽定四庫全書

欽定執中成憲
目錄

三

宋太宗皇帝

宋真宗皇帝

宋仁宗皇帝

宋神宗皇帝

宋高宗皇帝

宋孝宗皇帝

宋理宗皇帝

金世宗皇帝

金章宗皇帝

元太祖皇帝

元憲宗皇帝

元世祖皇帝

元仁宗皇帝

卷四

明太祖高皇帝

明成祖文皇帝

欽定四庫全書

欽定執中成憲
目錄

明仁宗昭皇帝

明宣宗章皇帝

明憲宗純皇帝

明孝宗敬皇帝

卷五

唐虞

商

周

卷六

漢

三國

卷七

晉

南北朝

隋

唐

欽定四庫全書

欽定執中成憲
目錄

宋_上

卷八

宋_下

金

元

明

欽定四庫全書

欽定執中成憲卷一

唐帝堯

書稽于衆舍己從人不虐無告不廢困窮惟帝時克
論語堯曰咨爾舜天之厯數在爾躬允執其中

六韜帝堯王天下之時吏忠正奉法者尊其位廉潔

愛人者厚其祿民有孝慈者愛敬之盡力農桑者慰

勉之旌別淑慝表其門閭平心正節以法度禁邪偽

欽定四庫全書

欽定執中成憲
卷一

所憎者有功必賞所愛者有罪必罰存養天下鰥寡

孤獨賑贍禍亡之家其自奉也甚薄其賦役也甚寡

故萬民富樂而無饑寒之色

家語帝富而不驕貴而能降伯夷典禮夔龍典樂流

四凶而天下服其言不忒其德不回

新書帝堯曰吾存心於先古加意於窮民痛萬姓之

罹罪憂衆生之不遂也故一民或饑曰此我饑之也

一民或寒曰此我寒之也一民有罪曰此我陷之也

仁行而義立德博而化富故不賞而民勸不罰而民

治先恕而後行

虞帝舜

書敷奏以言明試以功車服以庸

象以典刑流宥五刑鞭作官刑扑作教刑金作贖刑

眚災肆赦怙終賊刑欽哉欽哉惟刑之恤哉

詢于四岳闢四門明四目達四聰

咨十有二牧曰食哉惟時柔遠能邇惇德允元而難

欽定四庫全書

欽定執中成憲
卷一

任人蔡沈集傳元仁厚之人也難拒絕也任包藏凶惡之人也

帝曰咨汝二十有二人欽哉惟時亮天功三載考績

三考黜陟幽明庶績咸熙

帝曰皋陶惟茲臣庶罔或干予正汝作士明于五刑

以弼五教期于予治刑期于無刑民協于中時乃功

懋哉皋陶曰帝德罔愆臨下以簡御衆以寬罰弗及

嗣賞延于世宥過無大刑故無小罪疑惟輕功疑惟

重與其殺不辜寧失不經好生之德洽于民心茲用

不犯于有司

帝曰人心惟危道心惟微惟精惟一允執厥中無稽之言勿聽弗詢之謀勿庸可愛非君可畏非民衆非元后何戴后非衆罔與守邦欽哉慎乃有位敬修其可願

帝曰吁臣哉鄰哉鄰哉臣哉

蔡沈曰臣以人言鄰以職言

帝曰予違汝弼汝無面從退有後言欽四鄰庶頑讒說若不在時候以明之撻以記之書用識哉欲竝生

欽定四庫全書

欽定四庫全書

卷一

哉工以納言時而颺之格則承之庸之否則威之

沈

曰在時指忠直為言侯射侯也明者欲明其果頑愚讒說與否也撻扑也蓋懲之使記而不忘也識誌也錄其過惡以誌於冊也

帝庸作歌曰敕天之命惟時惟幾乃歌曰股肱喜哉元首起哉百工熙哉臯陶拜手稽首颺言曰念哉率作興事慎乃憲欽哉屢省乃成欽哉乃賡載歌曰元首明哉股肱良哉庶事康哉又歌曰元首叢脞哉股肱惰哉萬事墮哉帝拜曰俞往欽哉

中庸孔子曰舜好問而好察邇言隱惡而揚善執其兩端用其中於民

孟子舜聞一善言見一善行若決江河沛然莫之能禦也

孔子曰舜其至孝矣五十而慕

禮記有虞氏貴德而尚齒

養國老於上庠養庶老於下庠

孔子曰虞帝君天下子民如父母有憺怛之愛有忠

欽定四庫全書

欽定四庫全書

卷一

利之教親而尊安而敬威而愛富而有禮惠而能散

家語舜之為君也其政好生而惡殺其任授賢而替

不肖德若天地而靜虛化若四時而變物是以四海

承風暢於異類鳳翔麟至鳥獸馴德無他好生故也

虞舜寬裕而溫良敦敏而知時畏天而愛民恤遠而

親近

御製論

虞舜好生而惡殺蓋生者發育長養之意是以聖人

好之殺者閉藏收斂之威是以聖人惡之二者皆天地四時自然之功用故下文曰德若天地而靜虛化若四時而變物蓋天地以靜虛為德故其生殺也以神應而無心四時以變物為能故其生殺也亦化行於不悖觀風霆雨露之蕪施秋肅春溫之迭嬗則知天地四時之有殺正天地四時之惡殺正天地四時之好生也聖人合天地四時以為心故惡殺而不能不用殺如四凶之誅五刑之作皆堯舜好生惡殺之

實心實政若務好生之虛名而以無殺為惡殺則其流必出於姑息之一途政寬民慢如水弱之玩而多死是非真能惡殺乃適成其為好殺也豈天地好生惡殺之心豈聖人好生惡殺之道乎帝堯之言曰一人有罪此我陷之也惟存此心然後可以惡殺蓋明罰敕法正以遏惡揚善順天休命期於人人皆知遠殺其斯為真能惡殺者乎

新書舜曰吾盡吾敬以事吾上故見謂忠焉吾盡吾

敬以接吾敵故見謂信焉吾盡吾敬以使吾下故見謂愛焉

夏王禹

書禹曰后克艱厥后臣克艱厥臣政乃乂黎民敏德又曰惠迪吉從逆凶惟影響

又曰德惟善政政在養民水火金木土穀惟脩正德利用厚生惟和九功惟叙九叙惟歌戒之用休董之用威勸之以九歌俾勿壞

禹克勤于邦克儉于家不自滿假

又曰知人則哲能官人安民則惠黎民懷之

又曰民可近不可下民惟邦本本固邦寧

又曰先王克謹天戒臣人克有常憲百官修輔厥后

惟明明

蔡沈曰修輔者各修其職以輔其君也

御製論

人君出治仰承天命俯臨百官必也上之明於天戒而省愆脩德以承眷佑之恩下之明於百官脩輔之

道而選才任能以收贊襄之益故曰厥后惟明明也
苟不能明於天戒是不知敬天固無足論矣不能明
於百官脩輔之道必至賢否混淆誠偽雜出失辨才
論官之宜而庶績皆為叢勝矣是以百官脩輔之當
明與明天戒而並重也

孟子禹惡旨酒而好善言

史記禹為人敏給克勤其德不違其仁可親其言可
信聲為律身為度稱以出疊疊穆穆為綱為紀

欽定四庫全書

欽定執中成憲
卷一

七

晉書大禹聖者乃惜寸陰

商王湯

書王曰惟皇上帝降衷于下民若有恒性克綏厥猷
惟后

又曰爾有善朕弗敢蔽罪當朕躬弗敢自赦惟簡在
上帝之心其爾萬方有罪在予一人予一人有罪無
以爾萬方

仲虺曰惟王不邇聲色不殖貨利德懋懋官功懋懋

賞用人惟己改過不吝克寬克仁彰信兆民

又曰王懋昭大德建中于民以義制事以禮制心垂
裕後昆

伊尹曰先王肇修人紀從諫弗咈先民時若居上克
明為下克忠與人不求備檢身若不及

又曰敷求哲人俾輔于爾後嗣

傳說曰監于先王成憲其永無愆

詩不競不綈不剛不柔敷政優優百祿是道

欽定四庫全書

欽定執中成憲
卷一

八

大學湯之盤銘曰苟日新日日新又日新

孟子湯執中立賢無方

史記湯出見野張網四面祝曰自天下四方皆入吾
網湯曰嘻盡之矣乃去其三面祝曰欲左左欲右右
不用命乃入吾網諸侯聞之曰湯德至矣及禽獸

御製論

成湯解網三面史記以為諸侯悅服稱其德及禽獸
由斯而言則是聖人當日設為解網之事以籠絡人

心聳動觀聽類於權術之為非聖人之心也且既有解網之仁則當其放桀南巢何為不解網而釋之乎

以此詰問將不免於後人之疑矣朕謂聖人之心至

公無私慶賞刑威皆因物付物而已所執之法如網

張於一面而三面皆虛左右之間皆人人可生之地

乃人或不肯由三面以自全而甘心蹈一面之網則

聖人亦無如之何矣若夏桀者自蹈於一面之網者

也書曰天討有罪聖人奉若天道而已何所容心於

欽定四庫全書

欽定執中成憲
卷一

九

其間哉

湯曰人視水見形視民知治不

商王太甲

書王曰天作孽猶可違自作孽不可追

御製論

天以仁愛為心必無作孽於人之理此皆由人之自

取也其云天作孽者乃人有過失天降災異以示儆

而人能恐懼修省自可潛為轉移故曰猶可違也若

有過愆而上天垂訓仍無忌憚不知畏懼故曰自作孽也其能追乎

商王盤庚

書王曰若網在綱有條而不紊若農服田力穡乃亦

有秋

蔡沈曰綱舉則目張喻下從上也力於田畝則有秋成之望喻勤有功也

御製論

為政之道大綱舉而後衆目張所謂大綱者莫有過

於農事田功也是以聖人知服田力穡之為綱而所

欽定四庫全書

欽定執中成憲
卷一

十

其無逸惟念小民之依則乃亦有秋者即綱之有條

而不紊也由是而家給人足時和年豐百度之修明

萬邦之作又莫不於農事統之矣

又曰汝分猷念以相從各設中于乃心

蔡沈曰分猷者分君之所

圖而共圖之分念者分君之所念而共念之相從相與也中者極至之理謂各以極至之理存于心也

御製論

分猷分念人臣之職也但事有至當之理不及不可

過亦不可所謂中也若能得中則所分之猷所分之

念皆有益於國計民生苟不得中則雖有佐理之才何能獲贊襄之益乎而此大中之理又不待外求也人性皆善返之此心而自得故曰各設中于乃心

商王武丁

書說命曰朝夕納誨以輔台德若金用汝作礪若濟

巨川用汝作舟楫若歲大旱用汝作霖雨啓乃心沃

朕心若藥弗瞑眩厥疾弗瘳若跣弗視地厥足用傷

蔡沈曰啓乃心者開其心而無隱沃朕心者溉我心而厭飮也弗瞑眩喻臣之言不苦口也弗視地喻我

欽定四庫全書

欽定執中成憲

卷一

之行無所見也

又曰股肱惟人良臣惟聖

御製論

股肱之道左右元首與庶司百職承流宣化者不同

故必得其人乃可以翊贊君上康濟兆民若居股肱

之任而不能盡股肱之道則非其人矣是即伊尹所

稱任官惟賢才左右惟其人之義也至於才全德備

盡啓沃寅亮之功而為良臣者此乃禹臯稷契伊尹

周公之流立臣道之極所謂聖人者也故曰良臣惟

聖若云良臣輔而君聖何以良臣如箕子比干而不

能輔導君德於萬一乎此專為臣道而發者况辭意

顯然甚易明曉後人因聖字不敢居遂勉強詮解大

失本旨矣

又曰惟后非賢不乂

乂治也

惟賢非后不食

食食祿也

其爾

克紹乃辟于先王永綏民

御製論

欽定四庫全書

欽定執中成憲

卷一

惟賢非后不食舊說賢人待食於君斯亦淺之乎言

賢矣朕謂賢非后不食者乃聖賢之心必欲得君以

行其道否則憂國憂民寢食為之不寧又或如易井

渫不食禮記穫而弗食之義言賢者抱道而不遇主

譬猶清泉嘉穀而不得為人所食也

詩天命降監下民有嚴不僭不濫不敢怠遑命于下

國封建厥福

朱子曰言天命降監不在乎他皆在民之視聽則下民亦有嚴矣惟賞不僭刑

不濫而不敢怠遑則天命之以天下而大建其國此商宗所以受命而中興也

周文王

書武王曰文王克明德慎罰不敢侮鰥寡庸庸祗祗

威威顯民蔡沈曰用其所當用敬其所當敬威其所當威一聽於理而已無與焉故德著於民

周公曰文王卑服即康功田功蔡沈曰卑服即禹所謂惡衣服也康功安

民之功田功徽柔懿恭懷保小民惠鮮鰥寡自朝至

于日中昃不遑暇食用咸和萬民

詩維此文王小心翼翼昭事上帝聿懷多福厥德不

回以受方國

欽定四庫全書

欽定四庫全書

三

雖雖在宮肅肅在廟朱子曰在閨門之中則極其和在宗廟之中則極其敬不

顯亦臨無射亦保朱子曰雖幽隱亦若有所守者雖無厭數亦若有所守

不聞亦式不諫亦入朱子曰無所前聞自合於法雖無諫諍亦入於善

肆成人有德小子有造古之人無數譽髦斯士朱子曰言

文王之德純亦不已故令斯士皆有譽於天下而成其後入之美

大學詩云穆穆文王於緝熙敬止為人君止於仁為

人臣止於敬為人子止於孝為人父止於慈與國人

交止於信

孟子詩云王赫斯怒爰整其旅以遏徂莒以篤周祜

以對於天下此文王之勇也文王一怒而安天下之

民

文王視民如傷望道而未之見

御製論

常人不能見道而自妄以為聞道者無足論矣若夫

文王乃生安之聖身在道中動容周旋自然中道從

心所欲皆合天理渾然與道為一孟子曰望道而未

欽定四庫全書

欽定四庫全書

十四

之見者此正言文王聖不自聖惟恐或離於中道即

無數亦保之義也

禮記詩曰明發不寐有懷二人文王之詩也祭之明

日饗而致之又從而思之

逸周書文王召太子發曰我所保與所守傳之子孫

吾厚德而廣惠不為驕侈不為泰靡童牛不服童馬

不馳童牛犢也童馬駒也不士不失其宜萬物不失

其性天下不失時以成萬材萬材已成牧以為人孟

子所謂斧斤以時入山林材木不可勝用之意天下利之而勿德是為大仁

周武王

書王曰惟天地萬物父母惟人萬物之靈亶聰明作

元后元后作民父母

御製論

皋陶曰天聰明自我民聰明武王曰天視自我民視
天聽自我民聽是天不自聰明而以百姓之視聽為
聰明聰明而以百姓之視聽為聰明為人主者必能

欽定四庫全書

欽定四庫全書
欽定四庫全書
卷一

五

明四目達四聰以天下人之耳目為耳目方能理無
不燭物無不照謂之亶聰明而克盡元后父母之道
其自恃為神靈天縱者非亶聰明之道也

又曰我聞吉人為善惟日不足

又曰天視自我民視天聽自我民聽百姓有過在予

一人

又曰天畏棗忱蔡沈曰天命不常雖甚可畏然誠則輔之民情大可見小

人難保往盡乃心無康好逸豫乃其又民我聞曰怨

不在大亦不在小惠不惠懋不懋蔡沈曰惠者順於理懋者勉於行言

民之怨不在事之大小惟視在上之能順與不能順能勉與不能勉耳

御製論

聖人以仁民愛物為心自無斂怨之理以大公至正
為道亦無避怨之方斂怨者拂百姓以從己之欲者
也避怨者違道以干百姓之譽者也夫己之欲必不
可從而百姓之譽亦不可干何也天下之人心不同
則含怨之情亦異善者之所不怨者必惡者之所怨

欽定四庫全書

欽定四庫全書
欽定四庫全書
卷一

十六

惡者之所不怨者必善者之所怨是以為人君者不
在乎辨怨端之大小而為之去就不在乎統怨端之
大小而為之趨避惟問我之所行惠與不惠懋與不
懋而已吾果惠而順於理即任怨之意果懋而勤於
事即任勞之意則在己者信無可怨兆庶之廣即中
有怨之之人而無可怨之實則雖怨猶不怨也不能
如是則不怨猶怨也實心愛民之君臣常任怨任勞
而有所不恤不辭即如子產古之賢臣也為政之初